


卷六



書名 儀禮殘五卷 明刊本
 撰者 漢 鄭玄 注
 卷 卷六
 內容分類 經-禮-儀禮-後漢
 索書號 倉石.10103
 編號 109600

彩色首頁1

東洋文化研究所漢籍目錄 編號: 109600
 東洋文化研究所漢籍目錄所藏漢籍善本全文影像資料庫 索書號: 倉石.10103
 漢籍善本全文影像資料庫文本儀禮殘五卷 明刊本
 版權所有: 東京大學 東洋文化研究所
 使用上的注意事項

儀禮卷第五

鄉射禮第五

義

鄭氏注

鄉射之禮主人戒賓立迎再拜主人答

拜乃請主人州長也鄉大夫若在焉則

請告也告賓以射事不言拜辱此為

禮樂不主為賓已也不謀賓者

事輕也今郡國行此禮以季春

鄉大夫三年正月獻賢

鄉射之禮五物詢眾庶

貢士於其君亦用而詢眾庶平

賓

再拜主人退賓送再

儀禮卷第六

燕禮第六

儀禮

鄭氏注

燕禮小臣戒與者

小臣相君燕飲之法與者謂留羣臣也君以燕禮勞

使臣若臣有功故與羣臣樂之小臣則警戒告語焉飲酒以合會為歡也

膳宰具

官饌于寢東

膳宰天子曰膳夫掌君飲食膳羞者也具官饌具其官之所饌

謂酒也牲也脯醢也寢露寢

樂人縣

縣鍾磬也國君無故不徹縣言縣者為燕

新設洗篚于阼階東南當東雷壘水在東篚

在洗西南肆設膳篚在其北西面

設此不言其官賤也

當東雷者人君為殿屋也亦南北以堂深肆陳也膳筐者君象觚所饌也亦南陳言西面尊之異司宮尊于東楹之西兩方壺左玄酒其文

南上公尊瓦大兩有豐冪用綌若錫在尊南

南上尊士旅食于門西兩圓壺司宮天子曰小宰聽酒人之成要者也尊方壺為卿大夫士也臣道直

方於東楹之西子君尊此酒也玉藻曰唯君面尊玄酒在南順君之面也瓦大有虞氏之尊也禮器曰君尊瓦甒豐形似豆甲而大冪

用綌若錫冬夏異也在尊南在方壺之南也尊士旅食者用圓壺變於卿大夫也旅衆也

士衆食謂未得正祿所謂庶司宮筵賓于戶人在官者也今文錫為綌

西東上無加席也筵席也席用蒲筵緇布純無加席燕私禮臣屈也諸

侯之官無射人告具告事具于君射人主此禮以其或射也

臣設公席于阼階上西鄉設加席公升即位

于席西鄉周禮諸侯胙席莞筵紛純加繅席畫純後設公席者凡禮卑者先即

後也事尊者小臣納卿大夫卿大夫皆入門右北

面東上士立于西方東面北上祝史立于門

東北面東上小臣師一人在東堂下南面士

旅食者立于門西東上納者以公命引而入也自士以下從而入

也

也

也

即位耳師長也小臣之長一人猶天子大僕正君之服位者也凡入門而右由闈東左則

由闈西公降立于阼階之東南南鄉爾卿卿西

面北上爾大夫大夫皆少進爾近也移也揖而移之近之也

大夫猶北射人請賓命當由君出也公曰命某為賓

某大射人命賓賓少進禮辭命賓者東面南顧禮辭辭不敏

也反命射人以賓之辭告於君又命之賓再拜稽首許

諾又射人反命許賓出立于門外東面當更

禮以賓入公揖卿大夫乃升就席揖之人小臣自

阼階下北面請執冪者與羞膳者執冪者執也方園壺無冪羞乃命執冪者執冪者升自

西階立於尊南北面東上以公命於西階前命之也東上玄酒

之冪為上也羞膳者從而東由堂東升自北階房中西面南上不言之者不升堂略之也

膳宰請羞于諸公卿者小臣不請而使膳宰於卑者彌略也禮以

敬異為射人納賓射人為擯者也賓入及庭公

降一等揖之及至也至庭謂既入而左北面時公升就席以

將與主人為禮不參之也賓升自西階主人亦升自西階

賓右北面至再拜賓荅再拜

主人宰夫也宰夫大宰之屬掌

賓客之獻飲食者其位在洗北西面君於其臣雖為賓不親獻以其尊莫敢伉禮也至再拜者拜賓來至也主人降洗洗南西北面

天子膳夫為獻主賓將從賓降階西東面主人辭降賓對主

人北面盥坐取觶洗賓少進辭洗主人坐奠

觶于筐興對賓反位賓少進者又辭宜違其位也獻不以爵辟正主

也古文觶皆為觶主人卒洗賓揖乃升賓每先升尊也主人

升賓拜洗主人賓右奠觶荅拜降盥主人復盥為拜

手扮塵也賓降主人辭賓對卒盥賓揖升主人升

坐取觶取觶將就瓦大酌膳執冪者舉冪主人酌膳執

冪者反冪君物曰膳膳之言善也酌君尊者尊賓也主人筵前獻

賓賓西階上拜筵前受爵反位主人賓右拜

送爵賓既拜前受觶退復位膳宰薦脯醢賓升筵膳宰

設折俎折俎牲體骨也鄉飲酒記曰賓俎脊脅肩肺賓坐左執爵

右祭脯醢奠爵于薦右興取肺坐絕祭齎之

興加于俎坐挽手執爵遂祭酒興席末坐啐

酒降席坐奠爵拜告曰執爵興主人荅拜降席

席西也賓西階上北面坐卒爵興坐奠爵遂言美也

拜主人荅拜遂拜拜既爵也賓以虛爵降將酌主人

降賓洗南坐奠觶少進辭降主人東面對上

言爵矣復言觶者嫌易之也大射禮曰主人西階西東面少進對今文從北以下觶皆為

爵賓坐取觶奠于篚下盥洗篚下篚南主人辭洗

謙也今文無洗賓坐奠觶于篚興對卒洗階揖升

主人升拜洗如賓禮賓降盥主人降賓辭降

卒盥揖升酌膳執冪如初以酢主人于西階

上主人北面拜受爵賓主人之左拜送爵賓既

南面授爵乃之左主人坐祭不啐酒辟正主也未薦者臣也不

拜酒不告主人之義遂卒爵興坐奠爵拜執爵

興賓荅拜主人不崇酒以虛爵降奠于篚崇

也不以酒謝賓賓降立于西階西既受獻矣

射人升賓賓升立于序內東面東西牆謂之序大射禮曰

擯者以命升賓主人盥洗象觶升實之東北面獻于

公象觚觚有象骨飾也取象觚者東面公拜受爵主人降自西

階也阼階下北面拜送爵士薦脯醢膳宰設折

俎升自西階薦進也大射禮曰宰胥薦脯醢由左房公祭如賓

禮膳宰贊授肺不拜酒立卒爵坐奠爵拜執

爵興凡異者君尊變於賓也主人荅拜升受爵以降奠

于膳筐更爵洗升酌膳酒以降酢于阼階下

北面坐奠爵再拜稽首公荅再拜更爵者不敢襲至尊

也古文更為受主人坐祭遂卒爵再拜稽首公荅再

拜主人奠爵于筐主人盥洗升媵觚于賓酌

散西階上坐奠爵拜賓賓降筵北面荅拜媵送

也讀或為揚揚舉也酌散者酌方壺酒也於膳為散今文媵皆作騰主人坐祭

遂飲賓辭卒爵拜賓荅拜辭者辭其代君行酒不立飲也此降

於正主酬也主人降洗賓降主人辭降賓辭洗卒

洗揖升不拜洗不拜洗酬而禮殺主人酌膳賓西階

上拜拜者拜其酌已受爵于筵前反位主人拜送爵

賓升席坐祭酒遂奠于薦東遂者因坐而奠不北面也奠之

者酬不主人降復位賓降筵西東南面立不賓

舉也主人降復位賓降筵西東南面立不賓

立千序內位彌尊也位彌尊者其禮彌卑記所謂一張一弛者是之類與小臣自

阼階下請媵爵者公命長命長使選卿大夫之中長幼可使者

小臣作下大夫二人媵爵作使也卿為上大

媵爵者阼階下皆北面再拜稽首公荅再

拜再拜稽首媵爵者立于洗南西面北上序

進盥洗角觶升自西階序進酌散交于楹北

降阼階下皆奠觶再拜稽首執觶與公荅再

拜序次第也猶代也楹北西楹之北也交而

相待於西階上既酌右還而反往來以右

為媵爵者皆坐祭遂卒觶與坐奠觶再拜稽

首執觶與公荅再拜媵爵者執觶待于洗南

待君小臣請致者請使一人與二人若君命皆

致則序進奠觶于篚阼階下皆再拜稽首公

荅再拜媵爵者洗象觶升實之序進坐奠于

薦南北上降阼階下皆再拜稽首送觶公荅

再拜序進往來由尊北交于東楹之北奠于

皆退反位公坐取大夫所勝觶興以酬賓賓降西

階下再拜稽首公命小臣辭賓升成拜興以酬賓

就其階而酬之也升成拜復再拜稽首也先時君辭之於禮若未成然公坐奠

觶答再拜執觶興立卒觶賓下拜小臣辭賓

升再拜稽首不言成拜者為拜故下實未拜也下不輒拜禮殺也此賓拜于

君之左不言之者不敢敵偶於君公坐奠觶答再拜執觶興

賓進受虛爵降奠于篚易觶洗君尊不酌故也凡爵不相

襲者也於尊者言更自敵以下言易更作新易有故之辭進受虛爵尊君也不言公酬賓

於西階上及公反位者亦尊君空其文也公有命則不易不洗反

升酌膳觶下拜小臣辭賓升再拜稽首下拜亦

未拜凡下未拜有二或禮殺或君親辭君親辭則聞命即升升乃拜是亦不言成拜公

答再拜拜於阼階上也於賓以旅酬於西階

上旅序也以次序勸卿大夫飲酒射人作大夫長升受旅言

大夫則卿存矣長者尊先而卑後賓大夫之右坐奠觶拜執

觶興大夫答拜賓在右者相飲之位賓坐祭立飲卒觶

不拜酬而禮殺若膳觶也則降更觶洗升實散大

夫拜受賓拜送言更觶大夫辯受酬如受賓

酬之禮不祭卒受者以虛觶降奠于筐卒猶後也

大射禮曰奠于筐復主人洗升實散獻卿于

西階上酬而後獻卿別尊卑司宮兼卷重席

設于賓左東上言兼卷則每卿異席也重席

統於君也卿升拜受觚主人拜送觚卿辭重

席自房來司宮徹之徹猶去也重席雖非加猶乃薦

脯醢卿升席坐左執爵右祭脯醢遂祭酒不

卒酒降席西階上北面坐卒爵興坐奠爵拜

執爵興主人荅拜受爵卿降復位不酢辟君

者燕主辯獻卿主人以虛爵降奠于筐今文

於羞于射人乃升卿卿皆升就席若有諸公則先

卿獻之如獻卿之禮諸公者謂大國之孤也

三席于阼階西北面東上無加席席孤北面

屈之也亦因阼階西位近君近小臣又請媵

爵者二大夫媵爵如初復請致者若命長致

則媵爵者奠觶于篚一人待于洗南長致致

者乍階下再拜稽首公荅再拜命長致者公或時未能舉

自優暇也古文云乍階下北面再拜洗象觶升實之坐奠于薦

南降與立于洗南者二人皆再拜稽首送觶

公荅再拜奠于薦南者於公所用酬賓觶之處二人俱拜以其共勸君公

又行一爵若賓若長唯公所酬一爵先媵者

賓若長則賓禮殺矣長公卿之尊者也賓則以酬長長則以酬賓以旅于西

階上如初大夫卒受者以虛觶降奠于篚主

人洗升獻大夫于西階上大夫升拜受觶主

人拜送觶大夫坐祭立卒爵不拜既爵主人

受爵大夫降復位既盡也不拜胥薦主人于

洗北西面脯醢無胥胥膳宰之吏也主人大

之也不於上者上無其位也胥俎實辯獻大夫遂薦之繼賓以

西東上徧獻之乃薦略賤也卒射人乃升大

夫大夫皆升就席席工于西階上少東樂正

先升北面立于其西工瞽朦歌諷誦詩者也凡執技藝者稱工少牢

饋食禮曰皇尸命工祝樂記師乙曰乙賤工也樂正于天子樂師也凡樂掌其序事樂成則告小臣納工工四人二瑟小臣左何瑟面備

鼓執越內弦右手相入升自西階北面東上

坐小臣坐授瑟乃降工四人者燕禮輕從大夫制也面鼓者燕尚樂

可鼓者在前也越瑟下孔也內弦弦為主也相扶工也後二人徒相天子大僕二人也小臣四人祭僕六人御

僕十二人皆同宮工歌鹿鳴四牡皇皇者

華三者皆小雅篇也鹿鳴君與臣下及四方之賓宴講道修政之樂歌也此采其已有

言酒以召嘉賓嘉賓既來示我以善道又樂嘉賓有孔昭之明德可則效也四牡君勞使

臣之來樂歌也此采其勤苦王事念將父母懷歸傷悲忠孝之至以勞賓也皇皇者華君遣使臣之樂歌也此采其更自勞苦自以為不及欲諮謀於賢知而以自光明也

歌主人洗升獻工工不與左瑟一人拜受爵

主人西階上拜送爵工歌乃獻之賤者先就工之長者也

薦脯醢輒薦之變使人相祭使工拜於席

主人受爵將復獻祭薦祭酒卒爵不拜賤不備禮

主人受爵將復獻祭衆工不拜受爵坐祭遂卒爵辯有脯醢不祭

主人受爵降奠于筐遂猶因也古文曰卒爵不拜公又舉

奠饌唯公所賜以旅于西階上如初言賜者

尊賓長卒旅畢也笙入立于縣中奏南陔白華

華黍以笙播此三篇之詩縣中縣中央也鄉

皆小雅篇也今亡其義未聞昔周之興也周

公制禮作樂采時世之詩以為樂歌所以通

情相風切也其有此篇明矣後世衰微幽厲

尤甚禮樂之書稍稍廢棄孔子曰吾自衛反

魯然後樂正雅頌各得其所謂當時在者而

復重雜亂者也惡能存其亡者乎且正考父

校商之名頌十二篇于周大師歸以祀其先

王至孔子二百年之間五篇而已此其信也

主人洗升獻笙于西階上一人拜盡階不升

堂受爵降主人拜送爵階前坐祭立卒爵不

拜既爵升授主人一人笙之長者也御射衆

笙不拜受爵降坐祭立卒爵辯有脯醢不祭

乃間歌魚麗笙由庚歌南有嘉魚笙崇丘歌

南山有臺笙由儀間代也謂一歌則一吹也

大平年豐物多也此采其物多酒言所以優

賓也南有嘉魚言大平君子有酒樂與賢者

共之也此采其能以禮下賢者賢者纍蔓而

歸之與之宴樂也南山有臺言大平之治以

賢者為本也此采其愛友賢者為邦家之基

長也由庚崇丘由儀今亡其義未聞

遂歌鄉樂周南關雎葛覃

卷耳召南鵲巢采芣采蘋

周南召南國風篇也王后國君夫人

房中之樂歌也關雎言后妃之德葛覃言后

妃之職卷耳言后妃之志鵲巢言國君夫人

之德采芣言國君夫人不失職也采蘋言卿

大夫之妻能修其法度也昔大王王季居于

岐山之陽躬行召南之教以興王業及文王

而行周南之教以受命大雅云刑于寡妻至

于兄弟以御于家邦謂此也其始一國爾文

王作邑于豐以故地為卿士之采地乃分為

二國周周公所食也召召公所食也於時文

王三分天下有其二德化被于南土是以其

詩有仁賢之風者屬之召南焉有聖人之風

者屬之周南焉夫婦之道者生民之本王政

之端此六篇者其教之原也故國君與其臣

下及四方之賓燕用之合樂也鄉樂者風也

小雅為諸侯之樂大雅頌為天子之樂鄉飲

酒升歌小雅禮盛者可以進取燕合樂者

禮輕者可以逮下也春秋傳曰肆夏繁遏渠

天子所以享元侯也文王大明緜兩君相見

之樂也然則諸侯相與燕升歌大雅合小雅

也天子與次國小國之君燕亦如之與大國

之君燕升歌頌合大

雅其笙間之篇未聞

大師告于樂正曰正歌

備律為之音者也子貢問師乙曰吾聞聲歌

各有宜也如賜者宜何歌也是明其掌而知

之也正歌者升歌及笙各三終間歌三終合

樂三終為一

樂正由楹內東楹之東告于公

備備亦成也

樂正由楹內東楹之東告于公

備備亦成也

備備亦成也

備備亦成也

乃降復位言由楹內者以其立於堂射人自

阼階下請立司正公許射人遂為司正君許其請

因命用為司正君三舉爵樂備作矣將留賓飲酒更立司正以監之察儀法也射人俱相

禮其事同司正洗角觶南面坐奠于中庭升東楹

之東受命西階上北面命卿大夫君曰以我

安卿大夫皆對曰諾敢不安洗奠角觶于中庭明其事以自

表威儀多也君意殷勤欲留賓飲酒命卿大夫以我故安或亦其實不亡意於賓司

正降自西階南面坐取觶升酌散降南面坐

奠觶右還北面少立坐取觶興坐不祭卒解

奠之興再拜稽首右還將適觶南先西面也必從觶西為君之在東也

少立者自嚴正真其位左還南面坐取觶洗南面反奠

于其所反奠虛觶不空位也升自西階東楹之東請徹

俎降公許告于賓賓北面取俎以出膳宰徹

公俎降自阼階以東膳宰降自阼階以賓親徹若君親徹然卿

大夫皆降東面北上以將坐降待賓反也賓反入及卿

大夫皆說屨升就席公以賓及卿大夫皆坐

乃安凡燕坐必說屢屢賤不在堂也禮者尚敬敬多則不親燕安坐相親之心羞

庶羞謂腍肝膏狗臠醢也骨體所以致敬也庶羞所以盡愛也敬之愛之厚賢之道

大夫祭薦奠乃祭薦不敢於成禮也司正升受命皆命

君曰無不醉賓及卿大夫皆興對曰諾敢不

醉皆反坐皆命者命賓命卿大夫也起對必降席司正退立西序端主人

洗升獻士于西階上士長升拜受觶主人拜

送觶獻士用觶士賤也今文觶作觚士坐祭立飲不拜既爵

其他不拜坐祭立飲他謂衆士也亦升受爵不拜乃薦司

正與射一人司士一人執冪二人立于觶

南東上天子射人司士皆下大夫二人諸侯則上士其人數亦如之司正為上

辯獻士士既獻者立于東方西面北上乃薦

士每已獻而即位于東方蓋尊之畢獻薦于其位祝史小臣師亦就

其位而薦之次士獻之已不變主人就旅食

之尊而獻之旅食不拜受爵坐祭立飲北面酌南

鄉獻之於尊南不洗者以其賤略之也亦畢獻乃薦之主人執虛爵奠于篚復位若

射則大射正為司射如鄉射之禮大射正射人之長者

也如鄉射之禮者燕為樂卿大夫宜從其禮也如者如其告弓矢既具至退巾與筭也納射器而張侯其告請先于君乃以命賓及卿大夫其為司正者亦為司馬君與賓為耦鄉射記曰自君射至龍檀亦其異者也賓降洗薦旅食乃射者是燕射主於飲酒

升媵觚于公酌散下拜公降一等小臣辭賓

升再拜稽首公荅再拜此當言媵觚酬之禮皆用觚言觚者字之

誤也古者觶字或作角旁氏由此誤爾賓坐祭卒爵再拜稽首

公荅再拜賓降洗象觶升酌膳坐奠于薦南

降拜小臣辭賓升成拜公荅再拜賓反位反位

反席也今文曰洗象觚公坐取賓所媵觶與唯公所賜

至此又言興者明公崇禮不倦也今文觶又為觚受者如初受酬之

禮降更爵洗升酌膳下拜小臣辭升成拜公

荅拜乃就席坐行之坐行之若今坐相勸酒有執爵者

士有盥升主酌授之者唯受于公者拜公所賜者也其餘則否司

正命執爵者爵辯卒受者與以酬士欲令大

夫卒受者以爵興西階上酬士士升大夫奠

爵拜士荅拜與酬士者士立大夫立卒爵不

拜實之士拜受大夫拜送士旅于西階上辯

祝史小臣旅 士旅酌 旅序也士以次序自卒

主人洗升自西階獻庶子于阼階上如獻士

之禮辯降洗遂獻左右正與內小臣皆於阼

階上如獻庶子之禮 庶子掌正六牲之體及

世子之官也而與膳宰樂正聯事樂正亦學

國子以舞左右正謂樂正僕人正也小樂正

立于西縣之比僕人正僕人師僕人土立于

其比比上大樂正立于東縣之比若射則僕

人正僕人土陪于工後內小臣奄人掌君陰

事陰令后夫人之官也皆獻于阼階上別於

外內臣也獻正下及內小臣則磬人鐘人鐃

人鼓入僕人之屬盡獻可知也凡獻皆薦也

無筭爵 筭數也爵行無次無 士也有執膳爵

者有執散爵者執膳爵者酌以進公公不拜

受執散爵者酌以之公命所賜所賜者興受

爵降席下奠爵再拜稽首公荅拜 席下席西

公荅 再拜受賜爵者以爵就席坐公卒爵然後飲

不敢先虛爵明此 執膳爵者受公爵酌反奠

勸惠從尊者來也 之宴歡在於飲 受賜爵者興授執散爵執散

爵者乃酌行之予其所勸者唯受爵於公者拜卒

受爵者興以酬士于西階上士升大夫不拜

乃飲實爵乃猶而也士不拜受爵大夫就席士旅

酌亦如之公有命徹冪則卿大夫皆降西階

下北面東上再拜稽首公命小臣辭公荅再

拜大夫皆辟命徹冪者公意殷勤必盡酒也小臣辭不升成拜明雖醉正臣

禮也不言實實彌臣也君遂升反坐士終旅

荅拜於上示不虛受也於上如初無筭樂升歌間於其反席卒之

也取歡而已宵則庶子執燭於阼階上司宮

執燭於西階上甸人執大燭於庭闈人為大

燭於門外宵夜也燭燋也甸人掌共薪蒸者庭大燭為位廣也闈人門人也為

賓醉北面坐取其薦脯以降取

重得君賜奏咳咳夏樂章也賓出奏咳夏以賓

所執脯以賜鍾人於門內雷遂出必賜鍾人

鍾鼓奏九夏今奏咳以節已用賜脯以報之明雖醉不忘禮古文賜作錫卿大夫

皆出隨賓公不送賓禮訖公與客燕謂四方

曰寡君有不腆之酒以請吾子之與寡君須

吏焉使某也以請君使人戒容辭也禮使人各以其爵寡鮮也猶言少

德謙也腆善也上介出請入告古文對曰寡

君君之私也君無所辱賜于使臣臣敢辭上

出荅主國使者辭也私謂獨有恩厚也君無

所為辱賜於使臣謙不敢當也敢者怖懼用

勢決之辭寡君固曰不腆使某固以請寡君君之

私也君無所辱賜于使臣臣敢固辭重傳命固如故

寡君固曰不腆使某固以請某固辭不得命

敢不從許之也於是出見主國使者辭以見許為得命令今文無使某致命

曰寡君使某有不腆之酒以請吾子之與寡

君須吏焉親相見致君命辭也君貺寡君多矣又辱賜

于使臣臣敢拜賜命貺賜也猶愛也敢拜賜命從使者拜君之賜命

猶謙不記燕朝服於寢朝服者諸侯與其羣臣日視朝之服也謂

冠玄端緇帶素鞞白履也燕於路寢相親肥

也今辟雍十月行此燕禮玄冠而衣皮弁服

與禮其牲狗也狗取擇人也明非其人亨于門外

東方亨于門外臣所掌也若與四方之賓燕則公迎之

于大門內揖讓升

四方之賓謂來聘者也自戒至於拜至皆如公食亦

告饌具而後公即席小臣請執冪請羞者乃迎賓也

賓為苟敬席于阼

階之西北面有胥不齊肺不啐酒其介為賓

苟且也假也主國君鄉時親進醴于賓今燕又宜獻焉人臣不敢褻煩尊者至此升堂而

辭讓欲以臣禮燕為恭敬也於是席之如獻諸公之位言苟敬者賓實主國所宜敬也胥

折俎也不齊啐似若尊者然也介門西北面西上公降迎上介以為賓揖讓升如初禮主

人獻賓獻公既獻苟敬乃無膳尊無膳爵降

以就與卿燕則大夫為賓與大夫燕亦大夫

為賓

不以所與燕者為賓者燕為序歡心賓主敬也公父文伯飲南宮敬叔酒以路

堵父為客此之謂也君恒以大夫為賓者大夫卑雖尊之猶遠于君今文無則下無燕

羞膳者與執冪者皆士也

尊君也膳宰卑於士羞卿者

小膳宰也

膳宰之佐也

若以樂納賓則賓及庭奏

肆夏賓拜酒主人荅拜而樂闋公拜受爵而

奏肆夏公卒爵主人升受爵以下而樂闋

肆夏

樂章也今亡以鐘鐃播之鼓磬應之所謂金奏也記曰入門而縣與示易以敬也卿大夫

有王事之勞則奏此樂焉升歌鹿鳴下管新宮笙入三成

新宮小雅逸篇也管遂合鄉樂鄉樂周南召南六篇言遂

者不若舞則勺勺頌篇告成大武之樂歌也其詩曰於鑠王師遵養時晦

又曰實維爾公允師既合鄉樂萬舞而奏之所以美王侯勸有功也唯公與賓

有俎主於燕其餘獻公曰臣敢奏爵以聽命授公釋此辭

不敢必受之凡公所辭皆栗階栗感也謂越等急趨君命

也凡栗階不過二等其始升猶聚足連步越

升凡公所酬既拜請旅侍臣既拜謂自酌升

階下告于公還西階下告公許旅行凡薦與

也請行酒于羣臣必請者不專惠也

羞者小膳宰也謂於卿大夫以下也上特言

羞賓者有內羞謂羞豆之實醢食糝食君與

射則為下射袒朱襦樂作而后就物尊君小臣

以巾授矢稍屬君尊不不以樂志辟不既發

則小臣受弓以授弓人侯復發也不使上射

退于物一筥既發則荅君而俟對荅若飲君燕

則夾爵謂君在不勝之黨賓飲君在大夫射

則肉袒不繡襦若與四方之賓燕燕勝爵曰臣

受賜矣臣請贊執爵者

受賜謂公卿者酬之至燕主人事賓之禮

殺賓降洗升媵解于公荅恩惠也

相者對曰吾子無自辱焉

辭之也對荅也亦告公以公命荅之也

有房中之樂

弦歌周南召南之詩

而不用鍾磬之節也謂之房中者后夫人之所諷誦以事其君子

儀禮卷第六

經三千二百二十三字注四千六百二十字

